

KJKP "VODOVOD I KANALIZACIJA" d.o.o. SARAJEVO
V.D. DIREKTOR
Izvod broj : 71/18-lot 2

Sarajevo, 06.9. 2018. godine

Na osnovu člana 64. stav (1) tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 71/18 -lot 2 od 16.08.2018. godine, u postupku javne nabavke br. **71/18-lot 2 „Potopne pumpe za prihranjivanje za vodozahvat na Izvorištu Bačevo“**, donosi se :

ODLUKA

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 71/18 -lot 2 od 16.08.2018. godine i ugovor za javnu nabavku roba: **„Potopne pumpe za prihranjivanje za vodozahvat na Izvorištu Bačevo“**- tender broj **71/18-lot 2** dodjeljuje se ponuđaču: **„ELEKTRO UNIVERZAL“ d.o.o. Tuzla**, ponuda broj **2408/2018 od 24.07.2018.** godine, za ponuđenu cijenu: **35.340,00 KM bez PDV-a** .

Član 2.

Prijedlog ugovora o nabavci dostaviti će se na potpis izabranom ponuđaču: **„ELEKTRO UNIVERZAL“ d.o.o. Tuzla** po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 71/18 od 07.06.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke za lot 2, bez PDV-a iznosi : 45.000,00 KM.

Obavještenje o nabavci broj 247-1-1-142-3-221/18 objavljeno je na Portalu javnih nabavki dana 11.06.2018. godine, a sažetak obavještenja o nabavci je objavljen u Sl. glasniku BiH broj 40. od 15.06.2018.godine.

Konstatovano je da je na osnovu Obavještenja o nabavci br. 247-1-1-142-3-221/18 od 11.06.2018.godine, proveden postupak javne nabavke putem otvorenog postupka, te je izvršeno javno otvaranje ponuda dana: 31.07.2018.godine u 13:15 sati, a što je konstatovano zapisnikom sa otvaranja ponuda br. 71/18 Lot 2.

Za predmetnu javnu nabavku dostavljeno je pet (5) ponuda ponuđača:

1. Ponuđač: D.o.o. „ENECO-EKOLOŠKI SISTEMI“ Bijeljina,
2. Ponuđač: „ELEKTRO UNIVERZAL“ d.o.o. Tuzla,
3. Ponuđač: „ELEKTROKOVINA MOSTAR“ d.o.o. Mostar,
4. Ponuđač: „JASMIN M“ d.o.o. Žepče,
5. Ponuđač: „ETAL BH“ d.o.o. Sarajevo.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Konstatovano je da je Zapisnik sa otvaranja ponuda dostavljen svim učesnicima u postupku javne nabavke, dana: 02.08.2018. godine, te da od strane istih u zakonom predviđenom roku nije izjavljena žalba ugovornom organu

Nakon izvršenog otvaranja ponuda Komisija je dana: 31.07.2018.godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača D.o.o. „ENECO-EKOLOŠKI SISTEMI“ Bijeljina, „ELEKTRO UNIVERZAL“ d.o.o. Tuzla, „ELEKTROKOVINA MOSTAR“ d.o.o. Mostar“, „JASMIN M“ d.o.o. Žepče i „ETAL BH“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R.br.	Zahtjevana kvalifikaciona dokumentacija	D.o.o. „ENECO-EKOLOŠKI SISTEMI“ Bijeljina	„ELEKTRO UNIVERZAL“ d.o.o. Tuzla	„ELEKTROKOVINA MOSTAR“ d.o.o. Mostar	„JASMIN M“ d.o.o. Žepče	„ETAL BH“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4.	Uvidom u dostavljenu izjavu iz člana 45. konstatovano da se izjava ne odnosi na predmetni postupak	DA	DA	DA	DA

R.br.	Zahtjevana kvalifikaciona dokumentacija	D.o.o. „ENECO-EKOLOŠKI SISTEMI“ Bijeljina	„ELEKTRO UNIVERZAL“ d.o.o. Tuzla	„ELEKTROKOVINA MOSTAR“ d.o.o. Mostar	„JASMIN M“ d.o.o. Žepče	„ETAL BH“ d.o.o. Sarajevo
2.	Tačka: 14.1 TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5.	Uvidom u dostavljenu izjavu iz člana 47. konstatovano da se izjava ne odnosi na predmetni postupak	DA	DA	Ponudač u izjavi uradio ispravku koju nije izvršio na način kako je zahtjevano u tenderskoj dokumentaciji	DA
2.1	Tačka: 14.1 TD: pod a) Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude.	DA	DA	DA	DA	DA
3.	Tačka: 14.3 TD: pod a) Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član	DA	DA	DA	DA	DA

R.br.	Zahtjevana kvalifikaciona dokumentacija	D.o.o. „ENECO-EKOLOŠKI SISTEMI“ Bijeljina	„ELEKTRO UNIVERZAL“ d.o.o. Tuzla	„ELEKTROKOVINA MOSTAR“ d.o.o. Mostar	„JASMIN M“ d.o.o. Žepče	„ETAL BH“ d.o.o. Sarajevo
	46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.					

Hronološkim pregledom zahtijevane dokumentacije, Komisija je konstatovala da je ponuđač D.o.o. „ENECO-EKOLOŠKI SISTEMI“ Bijeljina u dostavljenoj Izjavi o ispunjenosti uslova iz člana 45. stav (1) tačke od a) do d) Zakona o javnim nabavkama – Aneks IV; Prilog 4., i Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., naveo broj i naziv lota koji se ne odnosi na predmetni postupak. U navedenim izjavama je navedeno da se iste odnose na nabavku broj 71/18 Lot 1 „**Bunarski pumpni agregat za prihranjivanje za P.S. Konaci – Izvorište Bačevo**“, a u pitanju je postupak nabavke broj 71/18 Lot 2 "**Potopne pumpe za prihranjivanje za vodozahvat na Izvorištu Bačevo**".

Daljim uvidom u kompletnu ponudu ponuđača: D.o.o. „ENECO-EKOLOŠKI SISTEMI“ Bijeljina (ostalu zahtijevanu dokumentaciju, anekse, priloge) konstatovano je da se dostavljena ponuda uopšte ne odnosi na predmetni postupak javne nabavke iz razloga što se iz dostavljene ponude vidi da se ponuda odnosi na postupak nabavke broj 71/18 Lot 1 „**Bunarski pumpni agregat za prihranjivanje za P.S. Konaci – Izvorište Bačevo**“. Konstatovano je da je na koverti u kojoj je ponuda dostavljena, upisano da se ponuda odnosi na postupak nabavke broj 71/18 Lot 2 "**Potopne pumpe za prihranjivanje za vodozahvat na Izvorištu Bačevo**".

U Zapisniku o zaprimanju ponuda i Zapisniku o otvaranju ponuda upisan je datum dostave ponude: 30.07.2018. godine u 08:50 sati i broj protokola: 457/18 pod kojim je ista zavedena.

Konstatovano je da je dana: 31.07.2018.godine u 13:15 sati, izvršeno javno otvaranje ponuda i u Zapisniku o otvaranju ponuda konstatovano da je Omotnica sa ponudom ispravno zatvorena (zapečaćena ili potpisana), te da cijena iz dostavljene ponude iznosi: 69.000,00 KM te da nije ponuđen popust.

Utvrđeno je da u Zapisniku o zaprimanju ponuda i Zapisniku o otvaranju ponuda nije bilo greški proceduralne prirode prilikom evidentiranja dostavljene ponude i da je ista evidentirana pod brojem protokola pod kojim je zaprimljena, te da nije bilo propusta prilikom javnog otvaranja ponuda te da je u Zapisniku o otvaranju ponuda upisana cijena iz ponude koja je javno otvorena i pročitana.

Na osnovu koverta u kojoj je ponuda dostavljena i cijene iz ponude koja je javno otvorena i pročitana na javnom otvaranju ponuda se vidi da je ponuđač napravio grešku prilikom kovertiranja ponude.

Obzirom na navedeno, Komisija je utvrdila da ponuda ponuđača D.o.o. „ENECO-EKOLOŠKI SISTEMI“ Bijeljina ne može biti predmet daljeg razmatranja jer se ista ne odnosi na predmetni postupak javne nabavke, zbog čega se ponuda ovog ponuđača odbacuje kao neprihvatljiva, a sve u skladu sa odredbama članom 68. stav (4) tačka j) Zakona o javnim nabavkama u kojem je definisano da ugovorni organ odbacuje ponudu i u drugim opravdanim slučajevima.

Pregledom ponude ponuđača „JASMIN M“ d.o.o. Žepče konstatovano je da postoji ispravka koja nije izvršena na zahtjevani način, na strani broj 31. ponude u Izjavi o ispunjenosti uslova iz člana 47.st.(1) tačka a) i (4) Zakona o javnim nabavkama - Aneks V; Prilog 5. ponuđač je uradio ispravku naziva i vrste postupka, na način da je upisao riječ prihvatanje te prekrizio a onda napisao prihranjivanje što čini tačan naziv jednog dijela postupka, izvršenu ispravku je opečatio i naveo datum ispravke ali je nije potvrdio potpisom što je bio obavezan učiniti te je konstatovano da izvršena ispravka nije urađena u skladu sa tačkom **17.1.5 tenderske dokumentacije „Ispravke u ponudi“** gdje je naveden način vršenja ispravki i to: **Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Imajući u vidu navedeno, ispravke u ponudi se moraju načiniti u skladu sa članom 18. stav (1) tačka m) navedenog Uputstva, kako bi iste bile ocjenjene kao prihvatljive.

Obzirom na navedeno, konstatovano je da ponuda ponuđača „Jasmin M“ d.o.o. Žepče ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa članom 68. stav (4), tačka i) Zakona o javnim nabavkama.

Komisija konstatuje da ponuđači „ELEKTRO UNIVERZAL“ d.o.o. Tuzla, „Elektrovina Mostar“ d.o.o. Mostar i „ETAL BH“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevano dokumentacije, aneksa-priloga, konstatovano je slijedeće:

R.br.	Ostala zahtjevana dokumentacija/aneksi-prilozi	„ELEKTRO UNIVERZAL“ d.o.o. Tuzla	„ELEKTROKOVINA MOSTAR“ d.o.o. Mostar	„ETAL BH“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA	DA
2.	Tačka: 16 TD: Obrazac za ponudu – Aneks II; Prilog 1.	DA	DA	DA
2.1	Tačka: 16 TD: Popis dokumenata uz ponudu koji čini sadržaj ponude – Aneks II; Prilog 1	DA	DA	Ponuđač uradio ispravku koju nije izvršio na način kako je zahtjevano u tenderskoj dokumentaciji
3.	Tačka: 16 TD: pod brojem 3. Obrazac za obim isporuke – Prilog 3.	DA	Ponuđač je u Obrazcu za obim isporuke –Prilog 3. uradio ispravku pod rednim br.1 koja nije izvršena na način kako je zahtjevano u tenderskoj dokumentaciji dok je redni br.2 obrazca djelimično popunjen a TD je zahtjevano da se sve stavke popune.	DA
4.	Tačka: 16 TD: pod brojem 9. Ostalo traženo u tenderskoj dokumentaciji: Ponuda treba da sadrži tehničku dokumentaciju koja sadrži slijedeće: <ul style="list-style-type: none"> - osnovne hidrauličke karakteristike pumpe (Q-H,Q-N_p) - pregled ugrađenih materijala osnovnih elemenata pumpe i motora - ugradbene mjere pumpe i motora 	DA	NE Ponuđač nije ispunio tražene tehničke zahtjeve postavljene u tenderskoj dokumentaciji	NE Ponuđač nije ispunio tražene tehničke zahtjeve postavljene u tenderskoj dokumentaciji
5.	Tačka: 20 TD: Obrazac za cijenu ponude – Aneks III; Prilog 2	DA	DA	DA

R.br.	Ostala zahtjevana dokumentacija/aneksi-prilozi	„ELEKTRO UNIVERZAL“ d.o.o. Tuzla	„ELEKTROKOVINA MOSTAR“ d.o.o. Mostar	„ETAL BH“ d.o.o. Sarajevo
7.	Tačka: 31 i 36 TD: Nacrt ugovora o javnoj nabavci – Prilog 8.	DA	DA	DA
8.	Tačka: 43 TD: Povjerljive informacije – Prilog 7.	DA	DA	DA

Pregledom ponude ponuđača „ELEKTROKOVINA MOSTAR“ d.o.o. Mostar, konstatovano je da je ponuđač „ELEKTROKOVINA MOSTAR“ d.o.o. Mostar, u dostavljenom Obrazcu za obim isporuke – Prilog 3. uradio ispravku na strani br. 8. ponude, pod rednim brojem 1., Tip i model pumpnog agregata gdje je ponuđač uradio ispravku u navedenim brojevima na način da je korektorom prekrpio broj i na to mjesto stavio tačku, izvršenu ispravku nije potvrdio potpisom i nema datuma kada je ispravka izvršena, što nije u skladu sa tačkom **17.1.5 tenderske dokumentacije „Ispravke u ponudi“** gdje je naveden način vršenja ispravki i to: „Ukoliko ponuđači vrše **ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15)“. Imajući u vidu navedeno, ispravke u ponudi se moraju načiniti u skladu sa članom 18. stav (1) tačka m) navedenog Uputstva, kako bi iste bile ocjenjene kao prihvatljive.

Dalje je konstatovano da je ponuđač „ELEKTROKOVINA MOSTAR“ d.o.o. Mostar u dostavljenom Obrazcu za obim isporuke – Prilog 3., na strani br. 8. ponude, tražene podatke pod rednim brojem 2., El.kablovi; Proizvođač, tip, model i dimenzije popunio djelimično što nije u skladu sa zahtjevima postavljenim u tenderskoj dokumentaciji. U napomeni navedenog obrazca jasno stoji da je ponuđač obavezan popuniti tip i model pumpnog dijela, proizvođač, tip, model i dimenzije el.kablova kao i kolone jedinica i mjere i količina što ponuđač nije učinio.

Pregledom ponude ponuđača „ETAL BH“ d.o.o. Sarajevo, konstatovano je da je ponuđač na strani broj 4. ponude u Popisu dostavljenih dokumenata, izjava i obrazaca sa nazivima istih koji je sastavni dio „Obrazca za ponudu“ Aneks II; Prilog 1, uradio ispravku pod rednim brojem 5.1 na način da je broj koji se nalazio ispod broja 5. prekrpio korektorom i preko ispravke napisao novi broj 5.1 izvršenu ispravku nije potvrdio potpisom i nema datuma kada je ispravka izvršena, što nije u skladu sa tačkom **17.1.5 tenderske dokumentacije „Ispravke u ponudi“** gdje je naveden način vršenja ispravki i to Ukoliko ponuđači vrše **ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Imajući u vidu navedeno, ispravke u ponudi se moraju načiniti u skladu sa članom 18. stav (1) tačka m) navedenog Uputstva, kako bi iste bile ocjenjene kao prihvatljive.

Daljim pregledom ponuda od strane stručnih lica je konstatovano da ponude ponuđača „ELEKTROKOVINA MOSTAR“ d.o.o. Mostar i „ETAL BH“ d.o.o. Sarajevo nisu ispunile tražene tehničke zahtjeve postavljene u tenderskoj dokumentaciji i to:

- Ponuđač „ELEKTROKOVINA MOSTAR“ d.o.o. Mostar, prema mišljenju stručnih lica u dostavljenoj ponudi nudi pumpu sa termičkom zaštitom, bez zaštite od ispada pojedine faze (strana 21. ponude) što nije u skladu sa traženim tehničkim karakteristikama postavljenim u tenderskoj dokumentaciji i kao takva je neprihvatljiva.
- Ponuđač „ETAL BH“ d.o.o. Sarajevo prema, mišljenju stručnih lica u dostavljenoj ponudi nudi pumpu bez zaštite od ispada pojedine faze (strana 21,22,23,24 i strana 30. ponude) što nije u skladu sa traženim tehničkim karakteristikama postavljenim u tenderskoj dokumentaciji i kao takva je neprihvatljiva.

Obzirom na navedeno, konstatovano je da ponude ponuđača: „ELEKTROKOVINA MOSTAR“ d.o.o. Mostar, i „ETAL BH“ d.o.o. Sarajevo ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude ovih ponuđača odbacuju kao neprihvatljive a sve u skladu sa članom 68. stav (4), tačka i) Zakona o javnim nabavkama.

Komisija dalje konstatuje da je ponuđač „ELEKTRO UNIVERZAL“ d.o.o. Tuzla dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da ponuda navedenog ponuđača ispunjava tehničke zahtjeve u pogledu opisa predmeta nabavke i tehničke specifikacije.

Konstatovano je da ponuda navedenog ponuđača ima popis dokumenata uz ponudu tj. sadržaj, potpisan od strane podnosioca ponude i ovjerena je pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtijevalo.

Računskom kontrolom specifikacije ponude ponuđača „ELEKTRO UNIVERZAL“ d.o.o. Tuzla, konstatovano je da u ponudi ponuđača „ELEKTRO UNIVERZAL“ d.o.o. Tuzla nema grešaka računске prirode.

Konstatovano je da ponuđač „ELEKTRO UNIVERZAL“ d.o.o. Tuzla nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je od pristiglih ponuda samo jedna prihvatljiva, to se u skladu sa članom 3. stav (3) Pravilnika o uslovima i načinu korištenja e-aukcije („Sl. glasnik BiH“, broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka b) Zakona o javnim nabavkama.

Vrijednost ponude ponuđača „ELEKTRO UNIVERZAL“ d.o.o. Tuzla iznosi 35.340,00 KM bez PDV-a.

Komisija jednoglasno daje prijedlog Ugovornom organu da za nabavku roba: "**Potopne pumpe za prihranjivanje za vodozahvat na Izvorištu Bačevo**"- tender broj 71/18 Lot 2 donese Odluku o dodjeli ugovora ponuđaču: „ELEKTRO UNIVERZAL“ d.o.o.

Tuzla, broj ponude : 2408/2018 od 24.07.2018. godine, čija vrijednost ponude iznosi: 35.340,00 KM bez PDV-a.

Iz gore navedenih razloga, primjenom odredbi člana 64. stav 1. tačka b. Zakona o javnim nabavkama, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđači

- a/a



v.d. Direktor

Azra Muzur

Azra Muzur, dipl.inž.građ